



Indgået

28 SEP. 2018

Medlem af Inatsisartut

Tillie Martinussen, Samarbejdspartiet – Suleqatigiissitsisut.

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
Box 1060 - 3900 Nuuk

Annaassininiarnikkut upalungaarsimaneq piffissarlu qisuariarfusoq pillugu § 37 tunngavigalugu apeqqummut nr. 211-2018-imut akissut

Brevdato: 25-09-2018
Sagsnr.: 2018 - 17236
Akt-id: 8590514

Asasara Tillie Martinussen

Postboks 1614
3900 Nuuk

Kalaallit Nunaanni annaassininiarnikkut upalungaarsimaneq piffissarlu qisuariarfusoq pillugu ulloq 24. august 2018-imi Naalakkersuisunut apeqquteqarputit. Apeqqutit uannit akineqartussanngorlugit innersuunneqarsimapput.

Tlf. (+299) 34 50 00
Fax (+299) 34 54 10
E-mail: pan@nanoq.gl
www.naalakkersuisut.gl

1. Naalakkersuisut qanoq iliuseqarniarpat annaassiniarnermi upalungaarsimaneq iluani suliaasat naammassisinnaajumallugit maannakkut Sakkutooqarfiup ajornartorsiutigimmagu qulimiguullit nutaat ilaatigut Kalaallit Nunaanni annaassiniarnermi upalungaarsimasunit atornegartussat inuttasaqartinnissaat?

Kunneqarfik Danmarki imarsiorneq silaannakkullu angallanneq pillugu nunat tamalaat isumaqatigiissutaannik atsioqataasutut Kalaallit Nunaanni ujaasinerit annaassiniarnerillu aaqqissuunnissaanut pisussaaffeqarpoq. Kalaallit Nunaanni ujaasinernut annaassiniarnullu (SAR) akisussaaffik naalagaaffiup suliaasaraa. Pingaarnertigut akisussaaffik Illersornissamut ministeriaqarfimmiillunilu Inatsisunik Atuutsinermut ministeriaqarfimmiippoq. Naalakkersuisut taamaattumik apeqqutit nassiuunneqartut akinissaannut Illersornissamut ministeriaqarfimmut ikioqqusimapput. Illersornissamut ministeriaqarfik imatut ilisimatitsivoq:

Matumuuna § 37 tunngavigalugu apeqqutit akineqarnissaanut ilanngussaq piviusorpalaartoq ujjartorneqartoq, tassa aallarniutaasumik eqqaasissutigineqas-sammat Kalaallit Nunaanni SAR-imi qulimiguutit upalungaarsimaneq, piareersimanissaanut Illersornissamut ministeriaqarfiup akisusaaffigisaa, ullumikkut tassaammata Air Greenlandip qulimiguui marluk, ujaasinerni annaassiniar-nilu atornegarsinnaasut. Qulimiguut taakku marluk sapaatip akunnerani ulluni nalunaaquttanilu aalajangersimasuni piareersimatinneqartarput, nalunaaqut-tallu-akunneranik siumut ilisimatitsinikkut pissarsiarineqarsinnaallutik.

SAR-imi upalungaarsimaneq taanna Sakkutuut umiarsuarmik tunngaveqartunik qulimiguuinut paarlaanneqassanngilaq.

Illersornissamut ministeriaqarfiup malugeqqussavaa, Kalaallit Nunaanni ujaasi-soqarnissaanik annaassiniartoqarnissaanillu pisariaqartitsisoqaleraangat, taava suliaasap naammassineqarnissaanut isumalluutit atornegarsinnaasut atugas-sanngortinneqartarmata.

Kalaallit Nunaanni suliassat isumaginissaannut Rigsrevisionip oqaaseqaataanut naleqqiullugu, taava Illersornissamut ministeriaqarfiup innersuussutigisinnavaa Umiartornermi Silaannakkullu Angallannermi Annaassiniartarnermi Siunnersuisoqatigiit 2016-imi 2017-imilu ukiuni kingullerni nassuiaataanni nalilerneqarmat Kalaallit Nunaanni annaassiniartartut suliassaataatsimut isigalugit naammaginartuusut. Ukiumoortumik nassuiaatit Folketingip Kalaallit Nunaat pillugu ataatsimiititaliaanut nassiunneqarsimapput.

Umiartornermi Silaannakkullu Angallannermi Annaassiniartarnermi Siunnersuisoqatigiit 2017 pillugu nassuiaataannit takuneqarsinnaavoq umiarsuarmik tunngaveqartut qulimiguut sakkutuut sulinerannut atatillugu piareersimatineqarmata. SAR-imut piareersimatinnerimut ullut amerlassusissaannut aalajangersaasoqarsinnaanngilaq, tassa tassani ilaatigut apeqqutaassammata sakkutuut suliassaat kiisalu piffissakkaartumik aalajangersarneqartumik aserfallatsaalinnikkut, inuttallu nikittarnissaasa il.il. pisariaqarneri. Nassuiaammit aamma takuneqarsinnaavoq piffissamut qisuariarfusumut tunngatillugu anguniakkatigut angusatigullu piumasaqaatit tamarmik naammassineqarsimasut.

Umiarsuarmik tunngaveqartup qulimiguup peqataaffigisinnaanngisaani ujaasinnernik annaassiniarnernillu pilersitsisoqarsimannngilaq, tamanna suliaqarnissamut tulluarsimappat. Umiarsuarmik tunngaveqartoq qulimiguulik suliaqarsinnaasutut isigineqassaaq suliassap isumaginissaanut atorineqarsinnaappat. Umiarsuarmik tunngaveqartut qulimiguut sulisut qasuersaarnissaannut aalajangersakkanut, umiarsualivinnut tikinnernut il.il. atatillugu sivitsorneqartumik kalerriffigineqarsinnaapput, kisiannili suli atorineqarsinnaasutut isigineqarlutik. Aatsaat qulimiguulik kalerriffigineqarsinnaasumiit peerneqarsimangaangat, asersuutigalugu aserfallatsaaliuineq imaluunniit teknikkikkut ajutoorneq pissutigalugu, qulimiguulik suliamut atorineqarsinnaanngitsutut isigineqassaaq.

Maannakkut inuttatigut killiffik eqqarsaatigalugu taava Illersornissamut ministeriaqarfiup ilisimatitsissutigisinnavaa aggustip aallaqqaataani 2018-imi inuttat sulisinnaasut amerlassusiisa maannakkut arfineq pingasuummata, ukiup naanerani inuttat atuarteqqinneqarsimasut qulit naatsorsuutigineqarlutik (naggataatigut anguniagaq tassaavoq inuttat sulisinnaasut 18-it).

SEAHAWK 2017-imi decembarip qiteqqunnerani Kalaallit Nunaanni atorineqarsinnaalersutut nalunaarutigineqarpoq Kalaallillu Nunaanni umiarsuarmik tunngaveqartumik qulimiguut pisoqalilersut peqatigisaanik atorunnaarsinneqartut LYNX-it suliarisarsimasaat tigullugit. Seahawkit piginnaasaannut inuttassat amigaataanerat taamaalilluni Kalaallit Nunaanni 2018-imi Seahawkit qulimiguut inissinneqarsimasut suliassaannut sunniuteqarsimanatik.

Naalackersuisut pingaaruteqartutut isigaat Kalaallit Nunaanni innuttaasut toqqis-simasutut misigisimanissaat, annaassiniarnikkut upalungaarsimaneq ingerlallu-artoq taamaattumik pingaarluinnarluni. Soorlu qulaaniittunit takuneqarsinnaasoq Kalaallit Nunaanni SAR-imi upalungaarsimanerme qulimiguut tassaapput Air

Greenlandip qulimiguui marluk, ujaasinerni annaassiniarnernilu atorpeqarsinnaasut. SAR-imi qulimiguunut taakkuninnga naleqqiullugu timmisartortartunik amigaateqartoqanngilaq.

Tamatuma saniatigut Sakkutuut umiarsuarmik tunngaveqartunik qulimiguunik peqarput, nalinginnaasumik suliassamik saniatigut annaassiniarnermi suliassani suliassinneqarsinnaasut. Taakkununga timmisartortartunut naleqqiullugu Naalakkersuisut naammagisimaarinnillutik paasisimavaat timmisartortartut atuar-teqqinneri aallartinneqarsimasut, kiisalu Umiartornermi Silaannakkullu Angal-lannermi Annaassiniartarnermi Siunnersuisoqatigiit 2016-imi aamma 2017-imi ukiumoortumik kingullermi nalunaarutiminni naliliisimallutik Kalaallit Nunaanni annaassiniarnikkut suliassanik isumaginninnerat ataatsimut isigalugu naammaginartuusimasoq. Soorlu aamma Naalakkersuisunit pitsaasutut isigineqartoq umiarsuarmik tunngaveqartup qulimiguup aallartissinnaaffiginngisaani ujaasiner-nik annaassiniarnernillu pilersitsisoqarsimanngitsoq, tamanna suliaqarnissamut tulluarsimappat.

2. Naalakkersuisut danskit naalakkersuisuisa oqaloqatiginissaat eqqarsaatiginerlugu siunnersuutigalugulu danskit oqartussaaffiisa, soorlu Sakkutooqarfiup Politiillu Issittumi Sakkutooqarfiup suliassaannut ikioqatigiillutik isumaginninnissaat, Kalaallit Nunaanni annaassiniarnermi upalungaarsimasut helikopteriini naammattunik sulisussaqaalernissaq utaqqisaa, taamaasilluni annaassiniarnermi/SAR-imi akunneq ataaseq ataallugu sivistutisigup iluani qisuariartoqarsinnaalerseqqillugu?

Issittumi Sakkutuut suliassaannut tunngatillugū Sakkutuut Politiillu suleqatigiinnissaannut siunnersuuteqarnissamut naleqqiullugu Naalakkersuisut Illersornissamut ministeriaqarfimmut atassuteqarnissamik pilersaaruteqanngillat. Tassa Issittumi Sakkutuut aamma Politiit annaassiniarnerni tamani ullumikkut qanimut suleqatigiilluareermata. Qulimiguut saniatigut taamaasilluni aamma umiarsuit imaluunniit immikkoortut allat eqqaaniissinnaasut atorpeqartarput ikiuinerup sapinngisamik sukkanerpaamik apuunnissata qulakkeernissaa siunertaralugu.

Allatigut Illersornissamut ministeriaqarfiup apeqqummut 1-imut ilanngussaa takujuk.

3. Taamaattoqarpat/ taamaattoqanngippat taava suna pissutaava tamatumunnga?

Apeqqutinut 1-imut aamma 2-imut akissutit takukkit.

Inussiarnersumik inuulluaqqusillunga



Kim Kielsen